



Broj: 27/03-11-44473/22
Sarajevo, 28.10.2022. godine

Na osnovu člana 70. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj: 35/05), člana 35. Zakona o izvršavanju Budžeta Kantona Sarajevo za 2022. godinu („Službene novine Kantona Sarajevo“, broj 05/22) i člana 4. Odluke o uvjetima, postupku i kriterijima za dodjelu stipendija Ministarstva za nauku, visoko obrazovanje i mlade Kantona Sarajevo za studente Univerziteta u Sarajevu na studijskim programima deficitarnih zanimanja za djelatnost odgoja i obrazovanja u studijskoj 2022./2023. godini, broj 27/03-11-44473/22 od 27.10.2022. godine, ministrica za nauku, visoko obrazovanje i mlade, raspisuje

**JAVNI POZIV
ZA DODJELU STIPENDIJA ZA STUDENTE UNIVERZITETA U SARAJEVU NA
STUDIJSKIM PROGRAMIMA DEFICITARNIH ZANIMANJA ZA DJELATNOST ODGOJA I
OBRAZOVANJA U STUDIJSKOJ 2022./2023. GODINI**

Ministarstvo za nauku, visoko obrazovanje i mlade Kantona Sarajevo raspisuje javni poziv za dodjelu stipendija studentima Univerziteta u Sarajevu na studijskim programima deficitarnih zanimanja za djelatnost odgoja i obrazovanja u studijskoj 2022./2023. godini i to za:

I ciklus studija

- a) **Filozofski fakultet:** Njemački jezik i književnost i Njemački jezik i književnost i druga studijska grupa;
- b) **Pedagoški fakultet:** Predškolski odgoj i Kultura življenja i tehnički odgoj
- c) **Prirodno-matematički fakultet:** Fizika, Fizika u obrazovanju, Matematika – Nastavnički smjer, Matematika – Opći smjer, Matematika – Primjenjena matematika, Matematika i informatika – Nastavnički smjer.

II ciklus studija

- a) **Filozofski fakultet:** Njemački jezik i književnost – Opći/Nastavnički smjer;
- b) **Pedagoški fakultet:** Predškolski odgoj i Kultura življenja i tehnički odgoj;
- c) **Prirodno-matematički fakultet:** Fizika, Fizika u obrazovanju, Matematika – Opći (Teorijski) smjer, Primjenjena matematika, Matematika – Nastavnički smjer.

I – OPĆE ODREDBE

Predmet javnog poziva je prikupljanje aplikacija za dodjelu stipendija studentima studijskih programa deficitarnih zanimanja za djelatnost odgoja i obrazovanja u studijskoj 2022./2023. godini.

Pravo podnošenja zahtjeva ima student koji pohađa redovni studij na Univerzitetu u Sarajevu (dodiplomski studij, diplomski studij te integrisani dodiplomski i diplomski studij).



Dodjela stipendija po ovom javnom pozivu vršit će se za redovne studente Univerziteta u Sarajevu nastavničkog studija na kojem se obrazuje za deficitarno zanimanje.

Student koji aplicira za dodjelu stipendije po ovom javnom pozivu mora da ispunjava sljedeće uslove:

- a) da je državljanin Bosne i Hercegovine;
- b) da je redovni student Univerziteta u Sarajevu nastavničkog studija koji su predmet ovog Javnog poziva;
- c) da u studijskoj 2022./2023. godini prvi put upisuje prvu, odnosno višu godinu studija na fakultetima Univerziteta u Sarajevu.

Pravo na podnošenje zahtjeva za dodjelu stipendija nema student koji je u radnom odnosu i obrazuje se uz rad, kao i student koji pohađa doktorski studij.

II – IZBOR STIPENDISTE

Osnovni kriteriji za dodjelu stipendije je:

- a) za studente prve godine prvog ciklusa studija ili integrisanog studija, pozicija na konačnoj rang-listi kandidata koji su stekli pravo za upis na fakultet;
- b) za studente prve godine drugog ciklusa studija, prosjek ocjena sa završne godine prvog ciklusa. Najbolje rangirani aplikanti prema navedenim kriterijima ostvaruju pravo na dodjelu stipendije, a u skladu sa odobrenim sredstvima u Budžetu Kantona Sarajevo za 2022. godinu za ovu namjenu.

III – DOKUMENTACIJA

Potrebna dokumentacija:

Student koji aplicira na Javni poziv obavezan je dostaviti sljedeću dokumentaciju:

1. popunjen prijavni obrazac (Obrazac ST2022-MNVOM);
2. kopija uvjerenja o državljanstvu (ne starijeg od tri mjeseca)
3. potvrda/uvjerenje fakulteta da je redovan student i da se u studijskoj 2022./2023. godini prvi put upisuje prvu, odnosno višu godinu studija;
4. potvrda fakulteta o poziciji na konačnoj rang-listi kandidata koji su stekli pravo za upis na fakultet; (za studente prve godine prvog ciklusa studija ili integrisanog studij);
5. potvrda fakulteta o prosjeku ocjena sa završne godine prvog ciklusa (za studente prve godine drugog ciklusa studija);
6. kopija lične karte;
7. prijava prebivališta.

Prijava na Javni poziv obavezno se podnosi u formi popunjenog prijavnog obrasca (Obrazac ST2022-MNVOM) koji se može preuzeti sa web stranice Ministarstva ili na Protokolu Kantona Sarajevo. Prijave koje ne budu podnesene u formi propisanog prijavnog obrasca smatrat će se neurednim i neće biti razmatrane.

Prijava na Javni poziv sa naprijed traženom dokumentacijom podnosi se u zatvorenoj koverti sa naznakom „**NE OTVARAJ** - Prijava na Javni poziv za prikupljanje zahtjeva za dodjelu stipendija studentima Univerziteta u Sarajevu na studijskim programima deficitarnih zanimanja za djelatnost odgoja i obrazovanja u studijskoj 2022./2023. godini, sa pozicije Ministarstva za nauku, visoko obrazovanje i mlade Kantona Sarajevo" na adresu

KANTON SARAJEVO, MINISTARSTVO ZA NAUKU, VISOKO OBRAZOVANJE I MLADE

Ul. Reisa Džemaludina Čauševića br. 1 71 000 Sarajevo *sa naznakom podatka o aplikantu (ime i prezime i adresa)*



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-029

Web: <http://mon.ks.gov.ba>, E-mail: info@mon.ks.gov.ba

2/3

Rok za predaju prijava na Javni poziv je 15 dana od dana objave u dnevnom listu „Oslobođenje“ i web stranici Ministarstva za nauku, visoko obrazovanje i mlade Kantona Sarajevo.


Neblagovremene, nepotpune i neuredne prijave neće biti razmatrane.

Pregled, odnosno razmatranje pristiglih prijava na Javni poziv i utvrđivanje preliminarne rang liste stipendista koji će se finansirati iz Budžeta Kantona Sarajevo za 2022. godinu, sa pozicije Ministarstva za nauku, visoko obrazovanje i mlade Kantona Sarajevo, izvršit će Komisija koju imenuje ministrica za nauku, visoko obrazovanje i mlade Kantona Sarajevo najkasnije u roku od 15 dana od dana zatvaranja javnog poziva.

Preliminarna i konačna rang lista biće objavljene na internet stranici Ministarstva.

Prigovor na preliminarnu rang listu izjavljuje se uz navođenje razloga za nezadovoljstvo aplikanta rezultatima javnog poziva, ali se ne može izjaviti ukoliko dostavljena dokumentacija na javni poziv nije potpuna, nije blagovremena ili je neuredna.

Kontakt informacije: 033/562-186, 033/562-069 i 033/562-259.



Pripremili:

Azra Ivazović, pomoćnica za visoko obrazovanje

Azamina Njuhović, pomoćnica za nauku

Nihad Šeta, pomoćnik za računovodstveno-finansijske poslove



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-029

Web: <http://mon.ks.gov.ba>, E-mail: info@mon.ks.gov.ba

3/3

